

欽定大清會典事例

欽定大清會典事例卷二百四十三

戶部

雜賦 金銀礦課

金銀礦課。○原定。雲南永北府屬金沙江金礦。每年額課金七兩二錢六分。遇閏加金一兩二錢一分。永昌府屬上路江金廠額課金二十五兩五錢六分。遇閏不加。開化府屬版錫金廠額課金三十四兩。遇閏加金二兩四錢。鶴慶府屬北衙蒲草金廠額課金七兩二錢。其開化府屬麻姑廠。建水州屬慢梭廠。騰越州後改屬冷水

菁黃草壩金龍菁魁甸等金廠。儘收儘解。不定
年額。貴州思南府屬天慶寺金廠。每兩收課金
三錢三分。鎮遠府屬天柱縣中峯嶺金廠。每兩
收課金四錢。甘肅大通縣屬扎馬圖金廠。每夫
日文課金五釐。敦煌縣屬沙州金廠。每夫每月
交課金三分。烏魯木齊迪化州屬奎屯河呼圖
壁瑪納斯庫爾喀喇烏蘇等金廠。每夫每月交
課金三分。以上金課雲南開化府屬馬腊底銀礦。額
課銀七百六兩八錢六分。遇閏不加。中甸屬古
學銀廠。額課銀五百六十八兩五錢三分六釐。

三毫。遇閏不加。建水縣屬黃泥坡銀廠額課銀
六百六十一兩一錢一釐。遇閏不加。雲南府屬
興隆銀廠額課銀三千一百三十二兩六錢五
釐有奇。遇閏不加。永昌府屬募迺銀廠額課銀
三百兩。遇閏不加。係孟連土司自行抽收。按年
交納。南安州屬石羊銀廠額課銀二萬二千三
百九十兩三錢二分。遇閏加銀二十九兩。又馬
龍銀廠額課銀六百九十八兩五錢二分有奇。
又土革喇銀廠額課銀六十兩八錢四分有奇。
均遇閏不加。楚雄縣屬永盛銀廠額課銀三千

三百七十五兩九錢六分。遇閏不加。鶴慶府屬
蒲草塘銀廠額課銀四百二十一兩八錢一分
七釐有奇。遇閏加銀二十四兩三錢。鄧川州屬
沙澗銀廠額課銀一千三百二兩六錢七分。遇
閏加銀一百六兩三錢三分四釐。臨安府屬箇
舊銀廠額課銀三萬六千六百十三兩七錢八
分。遇閏加銀三十八兩。新平縣屬方丈銀廠額
課銀六十八兩八分。遇閏加銀四兩七分四釐。

永昌府屬茂隆銀廠收課多寡無定額。

謹案嘉慶十七

年雲南新舊各廠文山縣屬馬賭廠楚輝府屬
馬龍廠永盛廠南安州屬石羊廠土革刺廠鶴

慶府屬沙洲廠蒲草塘廠維西州屬紅坡吉
慶建水縣屬摸黑廠水善縣屬全沙廠永平縣
屬三道溝廠臨安府屬前舊廠麗江府屬迎龍
廠耿馬土司所屬悉宜廠順甯府屬慕迺廠昭
通府屬樂馬廠會澤縣屬金牛廠新撫司屬
華地又湧金銅廠坡白沙地白羊等廠每年
額課銀六萬二千五百八十九兩九錢五分
咸豐六年軍興之後五金廠課均已停辦所有
光緒年間新開各廠
廣東惠州府永安縣粗石坑
俱係舊收儘紳

潮州府豐順縣雙山嶺李樹灣嘉應縣大禾坪

鎮平縣屬新山坳香山縣屬桑枝林均每銀一

兩收課四錢五分廣西賀縣蕉木山河池州南

丹桂紅等銀廠二八抽課又水塘老磧水溝淘

洗等廠每銀一兩課銀一錢五分貴州威甯州

屬柞子廠。平遠州屬達磨廠。每銀一兩抽課四錢。四川鹽源縣屬甲子夸豹子溝廠。銀銅二八抽課。銀以上。○順治元年。山東省開採臨朐招遠等處銀礦。○八年。禁止臨朐招遠等處開採。

康熙十五年。差部員至山西省應州邊耀山。監視煎鍊礦銀。○十九年。覆准各省開採所得金銀。四分解部。六分抵還工本。按月報銷。○又。差官往陝西省臨潼等處試採銀礦。○二十年。差官往山東省萊陽縣試採銀礦。○二十一年。定雲南省屬銀礦。招民開採。官收四分。給民六分。

○二十二年停止山東山西陝西等省開採。
四十三年

諭聞開採之事甚無益於地方。嗣後有請開採者悉不准行。○五十一年開採雲南省大姚縣惠隆銀廠。○五十二年題准湖南省郴州黑鉛礦產有銀母。除商人工本外收稅一半。○五十三年題准雲南省惠隆廠照郴州例收稅。○五十七年題准雲南省楚雄府石羊等廠臨安府箇舊等廠徵收不足照地丁雜項銀例題參。○又覆准雲南省霑益州貴州省威甯府接壤地方出產銀礦。

令候補知府知州各一人協理廠務。三年內果有成效。照調補煙瘴例升補。並准開廠人衆先發米糧豫備。以平米價。歲歉時暫行停止。又開採雲南省金龍銀廠。又開採貴州省威甯府屬猴子廠銀礦。二八收課。五十八年題准雲南省建水州屬華祝菁廠。並雲南縣屬水木支山金龍廠。照惠隆廠事例收稅。飭令儘收儘解。五十九年開採貴州省威甯府觀音山銀鉛礦廠。二八收課。六十年題准雲南省華祝菁廠洞門荆棘。不便開採。永行禁止。雍正元

年開採雲南省馬腊底銀廠。○又停止貴州省
觀音山等廠。○三年開採雲南省古學銀廠。○
四年開採貴州省新開水城等銀礦。二八收課。
○五年開採雲南省黃泥坡銀廠。○又開採貴
州省威甯府屬白蠟柞子二廠。○六年開採湖
南省靖州屬墓坪山金砂。每淨金一兩收課四
錢。以五分作解供耗費。及官役養廉。以三錢五
分作商民工本。○又開採廣西省蒼梧縣屬茅
茨山金砂。每兩收課二錢。○又開採廣西省臨
桂縣屬水槽野雞二礦。廠銀鉛銅砂。二八收課。

○又開採雲南省永昌府屬募迺銀廠。○又封閉貴州省威甯府屬猴子廠銀礦。○八年封閉湖南省墓坪山金礦。○又封閉貴州省新開水城等銀礦。○九年封閉廣西省蒼梧縣茅茨山金礦。○又議准廣西省南丹廠每出銀一兩抽課二錢。撒散四分。每鍊出錫百斤抽課二十斤。撒散四斤。○十年開採雲南省阿發銀廠。○十一年開採廣西省賀縣螞蚱山銀礦。每兩收課三錢。○十二年開採廣西省懷集縣汶塘山銀鉛礦。二八收課。○十三年封閉湖南省郴州

九架夾黑白銀鉛各礦。○乾隆二年開採廣西
省懷集縣屬荔支山礦廠銀鉛所收課稅按季
報部歲終彙題。○又開採廣西省梧州府屬金
盤嶺金礦二八收課。○又封閉廣西省懷集縣
汶塘山銀鉛礦廠暨臨桂縣出產銀鉛銅砂之
水槽野雞二礦廠。○三年封閉廣西省賀縣之
媽甥山銀礦。○五年封閉貴州省威甯府屬白
蠟廠銀礦暨廣西省蒼梧縣金盤嶺金礦。○七
年封閉廣西省銀鉛並產之荔支山礦。○又題
准雲南省金雞廠每出銀一兩抽正課一錢五

分。撒散三分。儘收儘解。不定年額。○八年開採
貴州省天柱縣屬相公塘東海洞等處金礦。每
金一兩。收課三錢。火工等項銀。於課金內變銀
給發。○九年復准。廣東省廣州府番禺等縣。出
產銅礦十二處。鉛礦二十二處。銅鉛礦砂三處。
韶州府屬曲江等縣。出產銅礦五處。鉛礦二十
七處。又銅鉛礦砂三處。惠州府博羅等縣。出產
銅礦十六處。鉛礦十處。有鉛礦兼有銀砂五處。
潮州府屬海陽等縣。出產銅礦六處。鉛礦七處。
銅鉛礦砂十五處。又銅鉛礦砂兼有夾雜金銀

砂十四處。肇慶府屬鶴山等縣。出產銅礦二處。鉛礦五處。又銅鉛礦砂九處。羅定州屬西甯縣。出產銅鉛礦砂五處。連州州屬及連山縣。出產銅鉛等礦十七處。銅礦一處。嘉應州州屬及長樂等縣。出產銅礦四處。鉛礦六處。詳加查數。如於民田廬舍實無妨礙。即行招商開採。照定例二八徵收。按季造報。歲終具題。○又覆准廣東省開礦事宜。於廣州肇慶二府近處山場。擇其礦砂旺盛。無礙民田廬墓者。酌量二三處。先行試採。如果有成效。再定議漸次舉行。照原定章。

程辦理。至金銀礦於鼓鑄無涉。應停止開採。照舊封閉。其銅鉛礦有夾帶金銀屑者。仍准開採。照例收課。○又開採廣東省潮州府海陽縣水尾白墳珂山廠銀鉛。○十年開採廣東省惠州府永安縣粗石坑肇慶府陽春縣莫村那輦瓦埕等廠銀鉛。暨韶州府曲江縣黃崗山銀銅。○又封閉雲南省大姚縣惠隆銀廠。暨金龍銀廠。○十一年開採貴州省水城所屬法都銀礦。暨思南府屬天慶寺金礦。○又開採廣東省惠州府河源縣藍溪約銅鑛灣凹下坦薑凹銀銅鉛。

暨潮州府豐順縣李樹灣風吹磔雙山嶺嘉應
州大禾坪銀鉛。又封閉貴州省天柱縣相公
塘東海洞金礦。又封閉廣東省海陽縣水尾
白墳河豐順縣李樹灣風吹磔陽春縣莫村那
輗瓦埕等礦。十二年開採貴州省威甯州屬
大化里新寨地方銀鉛礦砂。每煎銀一兩收課
四錢。十三年封閉廣東省曲江縣黃崗山河
源縣藍溪約銅鑛灣凹下坦薑凹等礦。十四
年封閉貴州省新寨銀鉛礦。又封閉雲南省
阿發銀廠。十七年開採廣東省豐順縣地脚

下鉛山。又山焦窩鉛山銀鉛。照例收課。按季冊報。歲終具題。○又覆准雲南省臨安府屬箇舊廠。南安州屬石羊廠。課銀不能敷額。嗣後據實造報。毋庸另敘額課。○又封閉雲南省新平縣屬方丈銀廠。○十九年議准四川省甲子夸豹子溝銅廠。每銅百斤。可煎出銀八九兩。照例抽課。每銅百斤。加收耗銅五斤。並開採附近月花樓鉛礦。以資罩銀之用。○又議准廣東省李樹灣銀鉛廠。每出銀一兩。抽公費銀一錢。其餘九錢。一半抽課。一半歸商。○二十年議准四川省

沙溝紫古別等處礦廠。出產銀砂。每銀一兩。抽

正課銀二錢。耗銀四分五釐。二十二年議准。

廣東省大禾坪鉛山。煎出銀兩。照例抽收。二

十四年。開採廣東省扛豬排牛角袋二處銀鉛

礦砂。又封閉雲南省興隆銀廠。又開採廣

西省盧架山鉛礦。又封閉廣東省粗石坑銀

鉛廠。二十五年議准。廣東省東邊角廠煎出

銀鉛。照李樹灣廠抽課。二十六年。封閉廣東

省大埔縣屬打禾坪鉛山。豐順縣屬地腳下銀

鉛礦廠。二十七年議准。廣東省新山坳鉛山

煎出銀鉛亦照李樹灣廠抽課。○又封閉貴州省天慶寺金廠。朱家等七硎。仍攻採胡家長峪子。荆木樹等三硎。○又封閉廣東省扛豬排。牛角袋。二處銀鉛礦廠。○二十九年封閉貴州省天慶寺金廠。荆木樹長峪子。二硎。仍採辦胡家一硎。○三十年題准雲南省各廠。凡遇硎老砂稀課銀缺額。即於各子廠抽收課銀。並錫斤票稅贏餘銀內通融抵補。○三十二年封閉廣東省東邊角銀鉛山。○三十四年開採廣東省桑枝林銀鉛礦。○三十五年封閉雲南省建水州

屬黃泥坡銀廠。○三十六年奏准烏魯木齊所屬奎屯河呼圖壁二處淘有金沙。派撥兵弁暫行試看。○又封閉廣東省大禾坪銀鉛廠。開採時際寶興二壠銀鉛礦。○三十七年封閉烏魯木齊奎屯河呼圖壁二處金礦。○三十八年議准陝西省哈布塔海哈拉山等處開採麩金。每商一名許帶夫五十名。日抽課金二錢五分。每抽課金一兩外抽撒散金三分。數給價值。以作廠費。如有餘贖。解司充公。○三十九年奏准甘肅省扎馬圖金廠設額夫五百名開採。每名每

日交正課金五釐。每正課金一兩外抽撒散金三分。每兩變價銀一十二兩。為在廠官役盤費之用。○四十一年開採貴州省鎮遠府天柱縣屬中峯嶺地方金礦。每金一兩抽課金四錢。外抽撒散金三分。每兩照八兩二錢變價。支給廠費。○又奏准雲南省麗江府屬迴龍銀廠及昭通府屬樂馬銀廠附近天財開泰裕豐元龍礮硎四口。試採有效。照例抽課。○又開採伊犁所屬皮里沁山古內雙樹子地方金砂。○四十二年奏准雲南省蒙自縣箇舊廠維西河墩子地

方紅坡吉咱廠。建水縣摸黑廠。昭通府金沙廠。

樂馬廠。又三道溝子廠。南安州石羊廠。照例抽

課。儘收儘解。牻犴地方茂隆廠。每銀一兩抽課

銀九分。以四分五釐作課。起解。以四分五釐賞

給牻犴酋長。蒙自縣金釵廠。銅礦內微有銀氣。

每煎銅百斤。抽課銀一錢。又開採貴州省平

遠州屬達磨山廠銀砂。又封閉雲南省金雞

銀廠。又停採陝西省哈拉山等金廠礦砂。

四十三年。停採伊犁所屬皮里沁山古內雙樹

子地方金苗。又封閉貴州省天慶寺胡家碕

金廠○四十五年奏准甘肅省扎馬圖金廠減
夫一百五十名○四十七年

諭烏什開採金銀礦現需熟諳工匠著選派熟悉鎔化
分金之匠各一名攜帶器具前往烏什採試○又覆
准甘肅省並無開採銀廠調派熟識銅苗匠役
每名口內日支口食銀一錢口外日支口食銀
三錢口糧粟米八合三勺或麩一斤自肅州出
口前往供應○又奏准烏魯木齊迪化州南山
一帶並奎屯河呼圖壁瑪納斯庫爾喀喇烏蘇
等處舊產金廠仍令該處民人出資淘洗並設

立檔房。派員專司其事。定為司金局名目。刻與圖記。以便丈移稽查。每課長領客民五十名。發給照票。每名每月交課金三分。每至月底。令課長彙齊交納。金砂傾銷成錠。交司金局兌收。移交滿營公庫收存候解。其課長所得餘金。呈驗給票。方可售賣。如無照票。照私金治罪。至庫爾喀喇烏蘇地方。金廠較遠。所有照票金簿。由都統衙門鈐印飭發。該處駐紮大臣就近稽查。司全局所收課金。按三月一次。將各處收過數目。據實具奏。每年春秋二季。有滿營赴京引

見官員帶解內務府查收。○四十八年

諭回部地方採取金兩所得無幾。且開礦聚集人等太多。未免遺累地方。著將停止採取之處詳議具奏。欽此遵

旨議定。將烏什地方採取金兩一事盡行禁止。○又奏准烏魯木齊迪化州綏來縣等處開採金砂。原派司員佐領兼管。勢難兼顧。改歸鎮迪道總理。庫爾喀喇烏蘇等處仍令駐紮大臣兼管。一切給照稽查。均由該道會同駐紮大臣查辦。所抽課金一體移交道庫。遇便彙解。○四十九年奏

准雲南省順甯府屬悉宜銀廠照募迺廠之例
令耿馬土司就近管理年納課銀令順甯府管
解完納。又封閉四川省沙溝紫古別等廠。
五十一年奏准甘肅省敦煌縣沙洲南北兩山
出產金砂採金人夫以二千名為率如有多帶
照例治罪每五十名設夫頭一名夫頭給予照
票散夫給予腰牌照票由安西州填號鈐印送
廠員給發腰牌即由廠員製造逐日課金責成
夫頭收繳按夫抽取每夫每月交納課金三分
於正課之外另抽撒散金三釐如遇風雪不能

採挖之日亦不准扣除所收課金。逐月交存安西州庫。統俟杪秋停廠。傾鎔成錠。遇有便員解交內務府查收。五十二年奏准甘肅省扎馬圖金廠增夫五十名。又開採雲南省三嘉銀廠。五十五年開採烏魯木齊條金溝地方金砂礦廠。又封閉烏魯木齊條金溝金廠。又開採直隸省延慶州屬黃土梁地方銀鉛礦廠。照黔省銀鉛礦廠抽課之例辦理。餘銀全行給商。餘鉛照川省之例。一半官為收買。又停採直隸省黃土梁地方銀礦。五十七年封閉雲

南省三嘉銀廠。○嘉慶元年封閉廣西省盧架山銀鉛廠。○三年奏准雲南省樂馬銀廠額課短縮。附近金牛菁綿華地出有銀礦。堪以試採。作為樂馬子廠以補缺額。○五年

諭雲南永昌府屬之茂隆銀廠。近年以來並無分釐報解。自係開採年久。硎老山空。礦砂無出。若仍照舊採辦。不特虛費工力。課項終歸無著。而聚集丁夫。亦恐滋生事端。所有永昌府屬茂隆銀廠。著即封閉。其四年分應交課銀七百五十兩零。亦加恩豁免。○六年奏准雲南省現在各銀廠。不論新舊子廠。據實報

解通融撥補。以此廠之有餘補彼廠之不足。務數年額總數。又開採雲南省騰越州後改屬冷水箐黃草壩金龍箐魁甸等金廠。現尚未定年額。令其儘收儘解。又奏准雲南省湧金銅廠坡白沙地白羊等銀礦撥補樂馬水盛二廠缺額一併報銷。七年

諭。甘省扎馬圖金廠開採年久。金苗微弱。額設廠夫四百名。現因不敷課本。多有逃散。既經該督委員勘明該廠實在情形。自應將廠夫酌減。以歸覈實。著照所請。減夫二百名。仍留二百名。八年。封閉雲南省冷

水菁金龍菁二金廠。○十一年封閉雲南省魁

甸廠金礦。永興廠銀礦。○十三年開採雲南省

太和銀廠。○十五年封閉雲南省慢梭廠金礦。

募迤銀礦。開採邦發銀礦。○十六年封閉雲南

省馬腊底銀礦。○十八年封閉雲南省白沙地

銀礦。○二十年開採雲南省鎮沅州青龍銀廠。

封閉邦發銀礦。北衙蒲草廠金礦。○二十四年

開採雲南省永北礦山廠銀礦。○道光元年封

閉甘肅省大通縣屬扎馬圖金廠。停交正撒課

金二十八兩零。○二十八年

諭開礦之舉。以天地自然之利。還之天下。仍是藏富於

民。如果地方官料理得宜。何至藉口於人衆難散。因噎而廢食。著四川雲貴兩廣江西各督撫於所屬境內。確切查勘。廣為曉諭。其餘各省督撫亦著留心訪查。如有苗旺之區。酌量開採。斷不准畏難苟安。託詞觀望。儻游移不辦。朕不難派員前往履勘。如果不便於民。或開採之後。弊多利少。亦准奏明停止。至於官辦民辦商辦。其應如何統轄彈治稽查之處。朕亦不為遙制。惟在該督撫等各就地方情形。熟商妥議。定立章程具奏。○咸豐三年開採熱河偏山綫銀礦。每

兩收正課銀三錢。耗銀三分。○四年議准。熱河
徧山綫銀礦稅課。每百兩。加收正課銀三十五
兩。耗銀三兩五錢。○六年議准。熱河徧山綫銀
礦。每兩交正課銀四錢。耗銀四分。○八年開採
和闐金砂六處。每年交課金二百兩。產金之噶
爾等六處。每年交課金三百兩。遇閏不加。抵作
和闐經費。其新場每金百兩。抽撥金三兩。作為
該處修補卡房書吏工食費用。○九年

諭。戶部奏徵收課金。疊報減少。請飭查辦等語。熱河熱
水塘金礦徵收課金。自八年開採以來。各季徵報之

數有減無增。恐該商等有它多報少情弊。或係廠員未能督飭商人實力開採。以致課額愈形短絀。著常清即揀派妥員認真督辦。以資整頓。而裕經費。○十一年議准。熱河土槽子銀礦。每兩收正課銀二錢五分。耗銀三分五釐。解費銀一分五釐。○同治二年覆准。熱河土槽子銀礦。每兩加收正課銀三錢。耗解各費照舊。○四年覆准。熱河徧山綫銀礦。每兩收正稅銀三錢五分。耗銀三分五釐。○十三年開採喀拉沁王旗地方羅圍溝銀礦。○光緒二年開採熱河窩溝銀礦。○五年封

閉熱河窯溝銀礦。○七年封閉喀拉沁王旗地方羅圍溝銀礦。○十年奏准雲南省城設開採五金總局。遇有呈請開採者。由藩司發給開山牌票。○十一年奏准甘肅省大通縣舊有金廠取金以牀。亂後廢弛。光緒八年委員招商試辦五十牀。九年裁撤委員。改令總商包課。所繳金色極低。且欠課甚多。追比亦未足額。嗣另招股商試辦三十牀。十年課金六十兩。如數徵足。此後金苗若旺。漸推漸廣。牀多則課增。地方官但令稽查牀數。隨時報明西甯道。課金由商徑繳。

道署不假胥吏之手。庶無流弊。十二年奏准。
黑龍江漠河地方開設金廠官督商辦。

欽定大清會典事例卷二百四十四

戶部

雜賦

銅鐵錫鉛礦課

水銀硃砂雄黃礦課

銅鐵錫鉛礦課。○嘉慶十七年。雲南省永平縣

青陽銅廠。羅次縣三才銅廠。宜良縣大石崗銅

廠。和曲州

今改農江縣

芹菜菁銅廠。會澤縣湯丹大

水溝碌碌多那銅廠。東川府壩祖銅廠。鎮雄州

長發坡銅廠。元江州青龍銅廠。甯洱縣白龍銅

廠。蒙自縣金釵銅廠。易門縣寨子山銅廠。昆陽

州子母銅廠。趙州二郎銅廠。永平縣銅礦菁銅

廠文山縣者囊銅廠順甯府甯臺山銅廠路南

州鳳凰坡紅石巖銅廠宣威州龍寶大山銅廠

騰越州

後改

安庫山銅廠平彝縣白石巖銅廠

南安州香樹坡銅廠麗江府日見汎銅廠廣通

縣雙象銅廠平彝縣半箇山銅廠新平縣太和

銅廠以上各廠年額共課銀一萬八百二十五

兩七錢九釐有奇雲南省定遠縣媽泰茂密白

銅廠每年課無定額業入銅息冊內造報貴州

省威甯州屬銅川河銅廠照例二八收課四川

省樂山縣屬老洞溝梅子凹銅礦二八收課又

建昌鎮興隆銅廠。甯番屬紫古喇銅廠。三分收課。又榮經縣呂家溝銅廠。屏山縣龍門溪。細沙溪。銅廠。西昌縣金馬銅廠。會理州金獅銅廠。寬甯縣金牛銅廠。馬邊廳銅大銅廠。俱二八收課。又黎溪銅廠。每雙鑪一座。月收課銅五斤。單鑪減半。貴州省大定府屬格得正廠。八地子廠。陳家溝廠。每銅百斤收課十斤。廣西省恭城縣屬山斗岡銅礦。每百斤抽課十五斤。湖南省郴州桂陽州銅鉛各廠。及廣東省惠潮韶肇等府銅錫礦廠。廣西省恭城縣屬上陡岡蓮花石銅鉛

礦廠俱二八抽課

以上各廠今多封

同治十三年至光

緒十五年。雲南省陸續開辦銅廠。茂麓湯丹江

外得寶圩甯台萬寶大寶

今封

茨營

今封

多樂

今封

秀春

今封

青龍大風嶺

今封

碌碌紅坡

今封

今封

捷淌九龍菁杉木菁迴龍碌硿硿大水

溝寶源

今封

龍寶

今封

普呼

今封

二台坡

今封

大哄山鐵廠沙平

今封

大功

今封

雙龍潭普洱

宣威

今封

永隆

今封

核桃坪

今封

松林坪

今封

銅川河中興會理

今封

牯塘

今封

金沙江

今封

天寶寶泉。以上各廠均辦銅百斤抽課十斤

以上

鋼嘉慶十七年。四川省江油縣木通溪和合崗

鐵廠。屏山縣利店茨藜柴丁李村石堰鳳村鐵

廠。洪雅縣山梯黨老林溝鐵廠。奉節縣石耳關

黃連壩鐵廠。峨眉縣跳金河建昌鎮黃鐵山各

鐵廠。每百斤收課二十斤。每稅鐵一斤。變價銀

二分。廣東省從化縣古田花縣車頭墩翁源縣

老珠塘龍眼崗。曲江縣左坑中崗零溪坑龍川

縣青龍約長甯縣魯古。永安縣黃河約九了樹。

河源縣大小二江。大埔縣九曲。信宜縣梅子坪。

嘉應州金坑約螺子塘。興甯縣大坑尾柿花岡。

冬瓜峯。平遠縣東石鄉。長樂縣龍玉湖鎮。平縣
豐田鄉。福益畬等處鐵鑪共二十座。每年納稅
銀一千三十六兩七錢五分。廣西省桂林等府
州縣鐵鑪共四十二座。每座年收鐵稅銀十兩。
福建省延平府州縣屬。每年輸鐵稅銀二百二
十八兩五錢五分九釐五毫有奇。湖北省宜都
縣橫嶺漢洋二鐵礦。二八收課。雲南省建水縣
普馬山鐵鑪十五座。年額課銀三百一兩六錢
九分。江西省南康府上猶縣。每年徵鐵稅銀一
千二百三十兩有奇。贛州府長甯縣。每年應徵

鐵稅銀一千二百三十兩有奇。興國縣每年應徵鐵稅銀四百六十兩有奇。同治十一年至光緒十二年。廣西省陸續開辦鐵廠。桂平縣田水邊千子嶺。大潤嶺各山場。永甯州响水善礦山。弄各山場。貴州省青谿縣地方鐵廠。均每年辦鐵百斤。抽課二十斤。以上鐵課嘉慶十七年。雲南省蒙自縣箇舊錫廠。每年額課銀三千一百八十六兩。廣西省賀縣擦米冰錫礦。竹籠一條。每月抽稅錫八斤。水溝一條。月抽稅錫五斤。湖口每月抽稅錫三斤。以上錫課嘉慶十七年。貴州省水城

屬法都福集鉛廠威甯州屬蓮花塘鉛廠又裸
納河鉛廠都勻府屬濟川鉛廠思南府屬天星
於泥洞白鉛廠凱里永興寨鉛廠大定府水洞
帕興發等鉛廠均二八收課雲南省麗江府北
地坪鉛廠東川府者海鉛廠建水縣普馬山鉛
廠羅平州屬卑浙鉛廠平彝縣屬塊澤鉛廠每
百斤抽課鉛十斤廣西省永康州淶泓淶谷淶
旺柳州府四頂山上林縣大羅山羅城縣冷崗
山等鉛廠二八收課又恭城縣屬大有朋山鉛
廠每百斤收課十五斤山西省交城縣馬鞏山

鉛廠又交城縣屬新開子洞金溝鉛廠。平定州屬銅題山鉛廠。湖南省郴州桂陽二鉛廠。陝西省同州府屬華陽川鉛廠。均二八收課。再四川省迤北建昌鎮會川屬沙溝嶺廠。出產黃礦青礦。黃礦燒鍊點化紅銅。青礦燒鍊點化黑鉛。雷波麻龍頭山分水嶺。石砭廳白沙嶺盤龍山各鉛廠俱二八抽課。以上鉛廠今多封閉。○康熙二年題准四川省黎漢紅卜苴二洞白銅舊廠。令民間採輸稅。○十九年題准浙江省富陽等縣。任民採取銅鉛。照例收稅。○又覆准湖廣衛水二府產

銅鐵錫鉛處招民間採輸稅。二十年停止。浙
江省富陽等縣開採。二十四年議准。四川省
邛州蒲江縣黃鐵山開鐵礦六座。招民間採。十
分收稅二分。又奏准。雲南省各鐵廠照例收
課以佐邊餉。二十七年覆准。四川省自康熙
二十三年起。至二十五年止。共收稅鐵萬一千
六百餘斤。照每斤二分之時價變賣。報部充餉。
○四十九年。開採雲南省昆陽州子母銅廠。易
門縣寨子山銅廠。○五十年。題准。湖南省產鉛
地方。苗徭雜處。開採不便。永行封閉。○五十二

年題准湖南省大湊山黃沙等處於一年內開採獲稅鉛三十六萬二千一百餘斤。○五十二年覆准四川省鹿子廠獲有黑鉛開採納課。○五十七年覆准四川省各廠通行停止。○雍正元年覆准雲南省廠課將元年正月起至十二月止徵收課項於二年五月內造冊題報嗣後永為定例。○二年開採貴州省大定府屬馬鬃嶺鉛廠又威甯州屬齊家灣又普安縣屬丁頭山鉛廠均二八收課。○三年開採湖南省九架夾地方白鉛二八收課。○五年覆准貴州省大

定府猴子鉛廠。尚老砂竭。別有水城等礦。煎試有效。許其開採。令該撫據實收課。造冊題報。○又開採貴州省威甯州屬賦書阿都二鉛廠。二八收課。○六年。開採廣西省臨桂縣潯江煙竹枝二銅廠。懷集縣上富銅廠。二八收課。○又題准廣西省恭城縣屬申家羅木木嶺銅鉛等廠。二八收課。○七年。開採湖南省桂陽州大湊山白銅礦廠。二八收課。按季造報。○又封閉貴州省威甯州屬齊家灣鉛廠。○又開採貴州省畢節縣大雞廠倭鉛。威甯州屬裸木果地方銅礦。

二八收課。○又開採廣西省宣化縣屬鏡鉞山鉛廠。臨桂縣屬水槽野雞二礦廠銀鉛銅砂均二八收課。○八年開採四川省建昌所屬會川之迤北興隆三廠甯番之紫古喇沙基三廠並九龍廠紅白銅礦所出紅銅三分收課。又會川沙溝嶺廠黃礦青礦黃礦燒鍊點化紅銅青礦燒鍊點化黑鉛公母廠出產紅銅黎溪廠出產白銅均准開採收課。○又開採貴州省威甯州所屬砂硃廠大興廠銅礦二八收課。○又停止貴州省威甯州屬阿都臘書二廠。○又覆准雲

南省羅平州之卑浙塊澤二廠。產在深山。凡米糧什物器具。較他廠甚貴。又二廠每鉛百斤。約費工本銀一兩七錢九分。交官僅得價銀二兩。恐致虧本。嗣後每百斤收課十斤。毋庸按二八例數。○又獲准廣西省河池州屬响水銅廠所抽課稅。照滇省之例辦理。○又開採湖南省桂陽州屬馬家嶺長富坪等處黑白鉛廠。○九年開採貴州省遵義縣屬小洪關地方倭鉛。委遵義縣管理。所出鉛照例每百斤收課二十斤。每百斤定價銀一兩五錢。變解存庫候撥。○十年。

開採貴州省大定府格得八地。二廠銅礦。每百斤收課十斤。○又封閉貴州省大定府屬大興鉛廠。畢節縣大雞鉛廠。○又封閉四川省沙碛九龍。公母黎溪等銅廠。○又封閉四川省沙溝嶺銅鉛廠。○十一年封閉貴州省威甯州屬裸木果銅廠。○又覆准廣西省桂林等府州開燒鐵礦。照例收課。○十二年停止湖南省大溱山白鉛礦廠。○又開採廣西省懷集縣屬汶塘山礦廠。二八收課。○十三年

諭廣東近年以來年穀順成。米價平減。盜賊漸少。地方

寧謐與從前風景迥異。今若舉行開採之事。不免聚集多人。其中良頑不一。難於稽查管束。恐為閭閻之擾累。況本地有司。現在勸民間墾。彼謀生務本之良民。正可用力於南畝。何必為此徼幸貪得之計。以長喧囂爭訟之風。著該部即行文該省督撫。令其遵諭停止。○又封閉湖南省九架夾地方鉛礦。○又封閉廣西省宣化縣屬鏡鉞山鉛廠。○又開採貴州省威甯州蓮花塘地方鉛礦。二八收課。每百斤以一兩五錢變價解庫。○又封閉廣西省臨桂縣潯江煙竹枝二廠。懷集縣之上富廠。○乾隆

元年。封閉貴州省遵義縣屬之小洪關鉛廠。又封閉廣西省恭城縣屬之申家猺木木嶺等礦廠。○二年。封閉廣西省懷集縣屬汶塘山礦廠。臨桂縣屬之水槽野雞二處礦廠。○又封閉貴州省大定府屬之馬鬃嶺鉛廠。普安縣屬之丁頭山鉛廠。○又開採廣西省宣化縣屬之漾生嶺鉛礦。○三年。題准廣東省產銅山礦。准其開採金銀等礦。悉行封閉。至黑鉛即係銀母。未便蒙混開採。應嚴行禁止。其各州縣礦山。多寡不等。所收銅鉛。除照例二八收課外。仍將所餘

銅鉛每百斤別收三釐。又加收三斤。以備搬運折耗。及在廠官役養廉工食之用。每年所收課餘銅鉛並動用工本等項。照例造冊題銷。○又議准廣西省回頭山銅砂。照例抽課。○四年開採山西省絳州垣曲縣毛家灣銅礦。照例收課。○又開採廣東省英德縣屬長岡嶺等山。陽春縣鸚鵡等山。歸善縣屬石門仔等山。永安縣屬慶牛窩等山。曲江縣屬礮崗蘆溪等山。大埔縣屬東山下坑等山。博羅縣屬分水凹等山。銅礦照例收課。○又開採貴州省綏陽縣月亮巖地。

方鉛礦。照例收課。○又開採廣西省淶泓淶谷
淶旺鉛廠。○五年題准。廣東省原有錫山酌開
三四處。令辦銅各商自備工資。分任開採。凡得
錫百斤。照例二八收課。以二十斤交官起解。以
八十斤歸商作本。○又題准。暫行封閉雲南省
羅平州屬卑浙塊澤二廠。○六年封閉山西省
垣曲縣毛家灣銅礦。○又開採貴州省威甯州
屬銅川河廠銅礦。二八收課。○又開採雲南省
羅平州之卑浙塊澤二鉛廠。○七年開採四川
省建昌道所屬之沙溝銅廠。川東道所轄雲陽

界連奉節縣之銅鉛礦廠永甯道所轄長甯縣之茶山溝鉛山暨會川所屬之沙溝嶺銅鉛各礦。○又題准貴州省威甯州屬銅川河銅礦每銅百斤收課十斤。○又開採貴州省思州府屬楓香廠黑鉛礦砂。○又封閉廣東省曲江英德歸善博羅永安大埔陽春等縣之銅山。○又開採廣西省恭城縣山斗岡銅礦每百斤收課十斤。○九年開採廣東省廣州府增城縣大竹坳井底鉛礦。○又封閉四川省長甯縣茶山溝鉛礦。○十年開採湖廣省宜都縣橫嶺漢洋二處

鐵礦。二八收課。變價解司。○又封閉四川省黎
溪白銅一廠。俟各廠紅銅盛旺。鼓鑄有餘時。再
請開採。○又題准。福建省延平府屬州縣所轄
山場。均產鐵砂。由鑪戶設鑪開扇。照例收課。○
又題准。廣西省開採各屬銅廠。除二八收課外。
停止動帑收買餘銅。其各屬銅廠。改為三七收
課。餘銅聽商民自行售賣。試行一年。如果敷用。
即永遠辦理。償或不敷。再為設法變通。○又封
閉四川省川東道屬雲陽界連奉節各銅鉛礦
廠。永甯道屬之長甯鉛廠。○又題准。貴州省各

廠除收課外。每餘鉛百斤。鑛民所得收買價銀一兩三錢。不敷工本食用之費。將蓮花砂硃二廠餘鉛。於向定官價一兩三錢外。酌增銀二錢。每百斤以一兩五錢收買。又題准貴州省水城通判所屬之標木底地方。產有鉛礦。照蓮花廠之例抽課變價充公。又開採貴州省普安縣屬之羅朋地方鉛礦。暨都勻府丹江屬之濟川地方鉛礦。均二八抽課變價解庫。辦事人役工食。於變價項內開支。又開採廣西省平樂府恭城縣屬豬頭嶺鉛礦。鉛內所分出銀及蜜

陀僧照例每鍊鉛百斤。收正課二十斤。撒散三斤。每銀一兩收正課銀一錢五分。撒散三分。蜜陀僧每百斤。收正課二十斤。撒散三斤。○又開採廣東省韶州府英德縣洪礫山銅礦。○又覆准廣西省擦米冰等處錫廠。按每竹籠一條。每月抽稅錫八斤。水溝一條。每月抽錫五斤。湖口每箇。每月抽錫三斤。計毛錫百斤。鎔淨錫七十五斤。課錫俱令鎔淨。交官供鑄。○又議准四川省老洞溝銅礦。委員抽課。○十一年題准四川省開採沙溝。紫古。喇銅廠。長甯鉛廠。內煎獲銀。

委官煎驗分析銀銅鉛計算。有虧商本。仍以二
八收課。俟將來礦砂旺盛。仍照四六收課。○又
題准。豁免福建省尤溪縣鐵鑪戶歲納課銀十
有四兩三錢有奇。○又奏准。廣西省銅廠開採
年久。礮路深遠。工費浩繁。若照原定二八收課。
實在不敷商本。嗣後以十三兩之價。作為定價
收買。俟將來礦廠旺盛。銅鉛充裕之日。據實覈
減題報。並將餘銅收買一半。其一半給商自行
售賣。○又聞採貴州省水城所屬法都地方鉛
礦。○又奏准。廣東省開採銅鉛礦廠。每鉛百斤。

除徵收課鉛公費外。餘鉛七十斤。以一年交官
給價收買。以一半聽商售賣。以濟商本。○又封
閉貴州省思州府屬之楓香黑鉛礦廠。○又封
閉廣東省增城縣大行坊井底鉛礦。○又議准
貴州省福集地方鉛礦。照例抽課。○十二年。開
採貴州省威甯州屬大化里新寨地方銀鉛礦
砂。每出鉛百斤。收課二十斤。餘鉛歸官收買。每
百斤給價銀一兩五錢。○又封閉貴州省綏陽
縣月亮巖坪鉛廠。○又開採貴州省思南府屬
之天星扒泥洞白鉛礦砂。○又開採雲南省祿

勸州接壤之多那廠照湯丹廠例收課每餘銅百斤給銀六兩作湯丹廠子廠報銷。又封閉廣東省英德縣洪際山銅礦。十四年開採廣西省賀縣所屬百應山銅廠抽收課餘之銅按年造報。又封閉貴州省大化新寨地方礦廠。○又封閉廣西省恭城縣豬頭嶺鉛礦。○又覆准廣東省白馬塘廠岡中心岡等廠每鍊錫百斤抽課錫二十斤抽公費錫十斤餘錫官買一半運費銀兩於公費錫內開報。○又開採雲南省普馬山白鉛礦廠。○十五年封閉貴州省普

安州屬羅朋鉛廠暨天星扒鉛廠。○又奏准浙
江省處州府屬之雲和松陽遂昌青田温州府
屬之永嘉平陽以及附近平邑淘洗之泰順等
縣向有產鐵砂坑。今查明坑戶十有五。鑪戶五
十有九。坑課酌分三則。上則徵銀一兩六錢。中
則一兩二錢。下則八錢。鑪餉酌分二則。上則徵
銀六錢。下則三錢。歲徵銀共五十八兩。令地方
官造入奏銷冊報部。至洗鐵溪河易於淤塞。每
坑歲繳銀四錢。以為疏濬之用。又每鐵百斤。輸
銀一釐。以供給票紙張之費。○十六年。封閉貴

州省水城通判所屬之裸木底鉛廠。其附近之
茨沖地方產鉛甚旺。開採後二八收課。每百斤
以一兩五錢變價解庫。又開採貴州省威甯
州屬勻柔地方銅礦。一九收課。餘銅每百斤給
價銀八兩。官為收買。以供鼓鑄之用。又議准
雲南省卑浙塊澤二廠煎出倭鉛。每百斤抽正
課十斤。報部充餉。又抽餘課十斤。以五斤給為
管廠官役廉食。以五斤變價解司充公。○十七
年。封閉廣西省賀縣所屬之百應山砂礦。○又
開採四川省威遠縣屬之大山嶺鐵鑪溝二礦。

每十斤收課二斤。每斤變價銀二分。又覆准。浙江省永嘉平陽坑鑪等戶。及泰順鑪戶。因產鐵無多。不能徵輸上中課餉。照原定下則徵收。其雲邑課餉科則。仍照原報徵收。至永嘉平陽二縣淘沙坑戶。與河道無涉。免其輸納。其松陽遂昌各坑戶。應徵課銀及濬河銀。每年於奏銷課餉冊內。分析造報。又開採湖南省郴州所屬之東沖柿竹園錫砂。每鍊錫百斤。收課二十斤。撒散四斤。餘錫儘數收買。同正課撒散一併解交省局。以備鼓鑄。又開採四川省榮經縣

之呂家溝銅砂每淨銅百斤收課二十斤餘銅
半給商賣半歸官買每百斤照依商本給價銀
九兩八錢○又題准廣西省思恩縣幹崗山黑
鉛礦每百斤收課二十斤撒散三斤近又產白
鉛礦照例收課撒散至本省鼓鑄需用白鉛將
商人所得餘鉛以一半歸官收買同課鉛隨時
解司以供鼓鑄一半聽商自賣歸本○十八年
開採四川省天全州屬之大川廠銅礦每銅百
斤照例收課二十斤耗四斤八兩餘銅半歸官
買以供鼓鑄○又議准四川省冕甯縣沙雞鉛

廠每淨鉛百斤。收正課二十斤。收耗鉛四斤八兩。餘鉛盡歸官買。每百斤給銀一兩六錢。又開採雲南省祿勸等州縣黑鉛。每百斤收課二十斤。以十斤變價充餉。五斤變價解司充公。五斤為管廠官役養廉工食。其收買價值多寶發。咱妥妥等三廠。每百斤給銀一兩八錢。金雞廠一兩六錢二分。十九年開採四川省鉛旺蓋白鉛廠。又開採雲南省阿那多黑鉛廠。又題准雲南省甸尾黑鉛廠。照例抽課。收買供鑄。○二十年開採四川省茂絲羅銅廠。又議准。

四川省黎溪白銅廠每雙鑪一座月抽小課白銅五斤。又每銅一百一十斤。另收大課白銅十斤。每斤折價銀三錢六分。又青礦砂價。每銀一兩抽課二錢。○又議准貴州省銅川河銅廠每百斤抽課十斤。官價收買八十斤。餘十斤給鑪戶易換鹽米。○又開採四川省天臺山黑鉛廠照例抽課。○又開採四川省碑牌口等處鐵礦。○又封閉四川省大川銅廠。○又封閉貴州省砂硃茨沖二鉛廠。○二十一年奏准開採湖南省銅坪嶺停砂礮銅礦。其抽課收買。照桂陽州

銅廠例辦理。○二十二年奏准雲南省宜良縣大銅山新開礮崗。作為大碌子廠。收交銅斤工本價值等項。附入大碌廠報銷。○又覆准雲南省茂密白銅廠。每鑪每月抽課銅二斤八兩。每銅一斤。折收銀三錢。○又封閉貴州省濟川鉛廠。○二十三年。開採雲南省麗江府北地坪鉛廠。運供大理局配鑄。○又覆准湖南省開採楓仙嶺鉛礦。照例二八抽收。餘鉛照官價三兩六錢收買。其餘聽客販售。以歸工本。至桂陽州綠紫坳停砂礮銅坪嶺等處銅礦。歸專員管理。馬

家嶺等處鉛礦歸州經營。○又封閉雲南省彌
勒州屬發咱鉛廠。○二十四年開採四川省盤
隴山黑鉛廠。○又奏准雲南省路南州大興山
銅礦作為大碌子廠。畫一造報。○又題准雲南
省東川府所屬者海鉛廠採辦鉛斤每百斤抽
正課十斤。外收餘鉛五斤。為管廠官役廉食之
用。○又封閉廣西省涿生嶺鉛廠。○二十五年
封閉貴州省勺汞銅廠。其哈喇河子廠向附勺
汞廠報銷。嗣後以哈喇河作為正廠抽課造報。
○又封閉四川省碑牌口等處鐵礦。○又開採

貴州省都勻縣屬樂助堡凱里所屬永勝坡等處鉛廠二八抽課。餘鉛一半官買。一半通商。每百斤給價銀一兩五錢。二十六年奏准四川省呂家溝銅廠。天臺山鉛廠。耗銅耗鉛變價。如不敷支給廠費。於各廠耗銅耗鉛變價餘存銀內撥補。二十七年。封閉貴州省都勻縣屬永勝坡鉛廠。又開採四川省上羅墓。洪春壩二處鐵礦。二八抽課。每稅鐵一斤。變價銀二分。報部充餉。又封閉雲南省甸尾鉛廠。二十八年。開採廣西省金雞頭山銅廠。二八抽課。餘銅

一半官買。每百斤給價銀十三兩。○又開採四川省龍門溪細沙溪銅廠。○又封閉四川省天臺山黑鉛廠。○二十九年題准四川省利店茨黎榮丁三處鐵礦設鑪四座。照上羅墓抽課之例開採。○又題准四川省李村石堰鳳村三處鐵礦設鑪四座。○又封閉湖南省楓仙嶺各鉛礦。○又開採雲南省獅子山白鉛廠。每百斤抽正課十斤。變價充餉。餘課十斤。以五斤變價充公。五斤為管廠官役廉食之用。餘鉛給價銀二兩收買供鑄。○又開採雲南省逢里山黑鉛廠。

其抽收正餘課。照獅子山廠辦理。餘鉛每百斤給廠本銀一兩八錢收買。○又開採雲南省野豬畊白鉛廠。其抽課收買。照達里山廠辦理。○三十年題准。四川省木通溪。和合崗等處鐵礦。設鑪四座。○又封閉廣西省河池州响水銅廠。○三十一年題准。四川省濫壩等處鐵礦。設鑪二座。○又題准。貴州省柞子黑鉛廠。每抽課百斤外。收稱頭鉛八斤。其撥運各營操演。每百斤伸稱頭鉛四斤八兩。每斤變價銀一分五釐。留為本省公費之用。○又題准。開採廣西省四頂

山白鉛廠。又封閉四川省上羅慕洪春壩二處鐵礦。又封閉雲南省祿勸州屬多寶鉛廠。三十二年封閉貴州省銅川河銅廠。並試採茨灣子廠鍊出黑鉛銀兩。照柞子廠成例辦理。又開採湖南省郴州屬五馬壠錫礦。照例抽課。又開採湖南省舊壠銅坑。沖沙裝新壠東坑湖石仙嶺白沙壠金川塘杉樹杭等處各礦廠煎鍊銅鉛。照例抽收造報。三十三年奏准江西省上猶縣營前地方鐵礦設鑪二座。鎔沙納課。又封閉廣東省英德縣白馬塘錫廠。

三十四年。封閉雲南省逢里山黑鉛廠。○又開採湖南省萬景窩錫廠。其東邊隴右眼裏。作為子廠。○三十五年。開採湖南省大腴山白泥塘等處銅銀鉛礦。每獲砂價。十分內先歸官稅五分。其餘五分為商人廠費。每出銅鉛百斤。抽稅二十斤。餘銅每百斤。給價銀十三兩。收買供鑄。○又開採四川省石砭廳屬白砂嶺鉛廠。照例抽收課耗。○又封閉雲南省獅子山白鉛廠。○又江西省上猶縣鐵礦。添鑪二座。○三十六年。封閉貴州省哈喇河茨灣子二廠。其陳家溝廠。

照哈喇河抽買。○又開採廣西省大羅山鉛礦。
○又封閉廣西省回頭山。山斗岡銅廠附近茅
塘石口潭江等處銅鉛礦。准其開採。○又封閉
雲南省野豬畊白鉛廠。○又封閉廣西省幹崗
山白鉛廠。○三十七年奏准粵西礦地頗多。凡
有礦砂地方。經督撫批准試採。均以二年為限。
果有成效。即行詳題抽課。如逾限不報。照例指
叅。○又題准廣西省四頂山白鉛礦。運赴馬鞏
地方螺塘嶺煌地墩新塘等山。就煤煎鍊。○又
開採貴州省裸布夏鉛礦。暨凱里所屬永興寨

黑鉛廠。○又封閉湖南省大腴山白泥塘等處
銅鉛礦廠。○三十八年開採四川省葛藤山斗
屯巖等處鐵礦。照濫壩鐵廠十分抽二之例辦
理。○又封閉廣西省茅塘石口潭江等處銅礦。
○三十九年覆准湖南省萬景窩錫廠久被水
淹無人承辦。嗣後於該廠子壠嶺背灣永興壠
砂內創採以續稅課。○又開採湖北省東豐西
豐宣裕三廠銅鉛礱硎。○又封閉四川省黃鐵
山等處鐵礦。○又覆准江西省鐵鑪。照川省十
分抽二之例。每鐵百斤抽課二十斤。每斤折銀

一分。○四十年奏准陝西省清賜溝銅礦抽課。照川省之例辦理。其一半餘銅照九兩之價收買。○又奏准廣西省馬鞏鉛廠由四頂山運砂就煤煎鍊。程途遙遠。餘鉛照例暫行分辦官買。○又奏准江西省上猶縣水广墟地方。南有烏藥壩。梅子壩。梁壩。裏金牛壩。大壩。頭琴江口。和尚壩。烏稍灣等八處。北有絲茅坳。螃蠏壩。童屋灣等三處。俱產鐵砂。另設鐵鑪四座。照營前之例抽課。○又奏准江西省長甯縣八付。南橋。二堡。出有鐵砂。於圍子凹地方添設鐵鑪四座。○

又封閉廣東省廠岡中心岡錫廠。四十一年
奏准江西省興國縣畝南龍江頭天年古龍岡
梅窖東村等六處及花橋陽村龍頭齊岸秦嶺
城岡等六處出產鐵砂在大倖太平墟城岡等
三處設立鐵鑪三座照上猶長甯二縣之例辦
理。又開採湖南省旱窩嶺貓兒坑羊牯泡等
壠錫砂每獲錫百斤抽正稅上錫二十斤撒散
上錫四斤撒散每斤變價銀一錢六分作為廠
費。又封閉湖南省五馬壠錫礦。又封閉湖
北省東豐西豐宣裕銅鉛各廠。四十二年奏

准雲南省各廠出產銅斤。照舊例一分通商。○
又開採湖南省宜章縣屬嶺脚坪錫廠。附入旱
窩嶺廠題報。○又開採貴州省普安縣屬連發
山白鉛。照樂助廠之例抽課收買。○又開採雲
南省建水州屬大黑山鉛廠。照普馬廠之例抽
課收買。○又封閉湖南嶺背灣錫廠。○又開採
貴州省大定府屬水洞帕興發等廠白鉛。照福
集廠之例收買。○又題准貴州省遵義縣屬新
寨綏陽縣屬月亮巖鉛廠。仍行開採。○又奏准
雲南省銅廠。袁旺靡常。儻酌定月額之後。日久

短少。查明或請減額。或請封閉。如有子廠。可以採完。即令開採。以補不足。○四十三年。封閉雲南省定遠縣屬媽泰白銅廠。○四十四年。題准雲南省建水縣普馬廠白鉛。改撥省城局供鑄。○又封閉湖南省常甯縣屬銅坪嶺銅礦。○四十五年。開採江西省長甯縣屬大磴楊梅坑鐵絲壘雲屯尖等處鉛苗。旋於四十六年封閉。○又封閉湖南省宜章縣屬嶺腳坪錫廠。○四十七年。開採廣西省臨桂縣屬寶岡嶺銅礦。陽朔縣屬折山鉛礦。○四十九年。開採四川省西昌

縣屬金馬會理州屬金獅等銅廠。○又封閉四川省篋絲羅銅廠。○又封閉廣西省臨桂縣屬寶岡嶺銅礦。陽朔縣屬拆山鉛礦。○又奏准雲南省各屬報獲新廠。曲靖府之雙龍廠。昭通府之松漢林挖海廠。東川府裕源子廠。甯州之他腊廠。平彝縣之後所山廠。每年辦獲銅斤。以裕源係湯丹子廠。所有抽收銅斤價腳等銀。俱歸湯丹廠造報。其挖海廠。每出銅百斤。抽課銅十斤。照新廠例。通商銅十斤。官買餘銅八十斤。松漢林雙龍。他腊。後所山等廠。每出銅百斤。抽課

銅十斤。照不拘一成例。通商銅二十斤。官買餘
銅七十斤。每百斤均給價銀六兩九錢八分七
釐。五十年。開採四川省冕甯縣屬金牛銅廠。
又試採直隸省昌平。延慶。二州屬白羊城等
處鉛苗。○五十一年題准。廣西省羅成縣屬長
安山煤礦。准其採運四頂山鉛砂煎鍊。所出鉛
斤。照例抽課。○又議准。江西省上猶縣鐵鑛。封
閉二座。○五十二年。封閉四川省酉陽州屬鉛
旺蓋白鉛廠。○五十三年。封閉四川省宜賓縣
屬濫壩大灣等處鐵礦。○又奏准。貴州省福集

蓮花二廠。每鉛百斤。照原價銀一兩四五錢之數。加價三錢收買。○五十五年。開採四川省馬邊廳屬銅大廠。雷波廳屬分水嶺廠銅斤。○又停採直隸省昌平延慶二州屬白羊城等處鉛廠鉛苗。○五十六年。題准四川省洪雅縣屬山梯黨老林溝鐵礦。開設鐵鑪二座。○又封閉四川省葛藤山斗屯巖等處鐵鑪。○又封閉湖南省羊牯泡錫廠。○五十七年。試採陝西省略陽縣屬興隆灣銅廠。○五十八年。題准四川省奉節縣屬石耳關黃連壩等處鐵礦。設鑪收稅。○

又封閉廣西省蒼梧縣屬金雞頭銅廠。又開採雲南省得寶坪廠銅斤。○五十九年

諭雲貴四川等省。現在正需籌辦停鑛。及收繳小錢各事宜。頭緒紛繁。若復封閉礦廠。地方官何暇常川前往查驗。且封廠之後。姦民惟利是趨。勢必有潛往採挖等事。是所謂封廠仍屬有名無實。況廠徒人數衆多。礦廠一經封閉。此等無業貧民。餬口無資。更恐滋生事端。著雲貴四川各督撫。將是否可採。如何設法稽查。以防透漏。悉心妥議具奏。○六十年

諭四川湖廣等省銅鉛各廠。均請照舊開採。今滇省採

辦銅斤。年額仍須照舊辦運。且廠民尋苗穰獲一廠費本開它。始能成。矸獲礦。若封閉停採。即成廢。尙將來開它。更為費力。况每廠沙丁不下千計。一旦失業。無歸必致流而為匪。甚或潛蹤私它。又圖私鑄。是杜弊轉足啟弊。此事朕早慮及。於事斷不可行。所有滇省各銅廠。自應照舊開採。毋庸封閉。又開採四川省雷波廳所屬龍頭山黑鉛廠。又封閉貴州省普安縣所屬連發山白鉛廠。又封閉陝西省略陽縣屬興隆灣銅廠。又封閉湖南省郴州境內石仙嶺白沙壠等處鉛廠。又議准江

西省長甯縣添鐵鑪四座。○嘉慶元年奏准。湖
南省桂陽州屬綠紫坳銅廠。改歸知州管理。○
又封閉貴州省都勻縣屬樂助白鉛廠。○又封
閉貴州省遵義縣屬新寨綏陽縣屬月亮巖等
處鉛廠。○四年題准。貴州省威甯州屬蓮花白
鉛廠。出鉛缺額。採納河等處礦脈綿厚。准其開
採。所出鉛斤。歸入蓮花廠一併題銷。○又議准。
江西省上猶縣添鐵鑪二座。○六年。開採四川
省峨眉縣屬跳金河鐵廠。○七年。封閉廣西省
長安馬鞏等廠。○又覆准。廣西省懷集縣額設

鐵鑪開採年久。炭礦就衰。嗣後減鑪十座。免納稅餉。○九年。封閉雲南省易得嶺等銅礦。○十三年。封閉雲南省普馬白鉛廠。○道光二十三年。開採廣西省永甯州崇慶鐵廠。○二十四年。開採廣西省北流縣鐵礦。○二十五年。開採廣西省恭城縣鉛礦。○咸豐元年。

諭張亮基奏滇省銅務現辦情形一摺。據稱近年礦少質劣。礮銅愈深。高路愈遠。且附近炭山。砍伐殆盡。工費益繁。以致額銅不能依期到店。往往停腳待運。廠員店員均極疲累。廠店交疲。則運員之遲逾。銅質之

低潮皆所難免。所奏自係目前實在情形。惟地不愛寶。亦賴人力相機籌辦。該撫現已遴選妥員設法攻採麗江東川所管各廠。或據報獲礦。或覓得子廠。較上年漸有起色。現在京局鼓鑄需銅孔亟。著吳文鎔到任後會同張亮基督率藩臬兩司嚴飭廠店各員認真經理。務於循守舊章之中寓力求整頓之意。即使量為變通。亦應斟酌盡善。慎毋輕議紛更。總之廠員須善驥引。嚴督砂丁。不得聽其以硎老山空一報塞責。而店員之承運遲滯。運員之沿途逗遛。甚至恣意偷竊。捏報遭風。均應節節嚴防。以杜積弊。庶期

於銅務漸有裨益。○六年

諭。業布冲額奏試鍊鉛礦設局鼓鑄一摺。甘肅迪化州福壽山地方。經訪獲鉛礦。煎鍊得銀。著即准其設立籌裕局。運鉛分鑄。仍督飭該委員等悉心籌辦。○同

治十一年題准。廣西省桂平縣吉一里界田水邊地方山場產有鐵礦。設鐵鑪一座。每年納鑪稅銀二十兩。自同治九年為始。按年由縣徵收。○十二年議准。廣西省桂平縣屬千子嶺接壤大潤嶺一帶山場鐵礦。招商開採。設鐵鑪一座。每年輸納稅銀二十兩。○光緒元年議准。廣西

省永甯州屬安甯里响水弄山場鐵礦招商開採。設鐵鑪二座。每年共輸稅銀二十兩。○三年議准。廣西省永甯州屬安甯里上園土名礦山弄山場鐵礦招商開採。設鐵鑪二座。每年共納稅銀二十兩。○又奏准直隸省之灤州開平礦局。招集商賈。試採煤鐵。並參用西法開辦。近年以來。煤產甚旺。現在附近之遷安縣屬清涼山。灤州屬之馬子溝陳家嶺一帶。勘驗均有鐵苗。形質甚佳。業已取得百擔。寄往外洋試鍊。如果合用。即設法逐漸開採。○十年

諭雲南素產五金。乃天地自然之利。銅政關繫錢法。運京鼓鑄。具有成規。此外金銀鉛錫各礦。均應廣為開採。以裕利源。上年疊據岑毓英等奏定章程。並擬招集商本。次第興辦。節經飭令實心經理。該督撫籌畫有年。當已漸有起色。現在岑毓英駐紮邊關。一切應辦事宜。張凱嵩責無旁貸。著即遴選廉幹之員。廣集商力。及時開採。力杜因循。侵漁積習。以期無弊。革有利必興。國家度支有常。從不輕於言利。此乃因地之利。以為民用。惟不棄貨於地。庶可藏富於民。該督撫當仰體朝廷實事求是。

之意。大加開拓。實力奉行。並將近來採辦情形。先行據實具奏。○又奏准雲南省迤東屬之湯丹茂。麓六正廠。及十一子廠。迤西屬之回龍。得寶等。八正廠。及九小廠。並楚雄。永北。暨雲武屬之萬寶。雙龍等廠。現已委派官紳分認承辦。此外永昌。順甯。臨安。開化。曲靖等府礦務。亦經招股廣行開採。至蒙自。縣箇。舊錫廠。向係本省鑛戶採辦。因比歲滯銷。尚多觀望。現於招商項下。籌本發給。俾得努力開煎。冀收實效。○十一年題准四川省甯遠府屬金馬廠。自乾隆五十四年改

歸西昌縣管理開採已歷九十餘年實係年久
峒老山空無礦可採准其封閉開除課額○十
二年開採貴州省思州府青谿縣鐵礦二八收
課○十四年開採江西省永新縣西鄉四十三
都之烏石山鐵礦

水銀硃砂雄黃礦課○舊例貴州省額徵開州
用砂廠水銀一千二百六十九斤遇閏加一百
三十三斤有奇婺川縣婺川廠徵水銀一百六
十九斤有奇均照時價變賣存庫造冊報部○
康熙元年定貴州省開州斗甫廠徵水銀九十

五斤。遇閏加十斤。各有奇。又普安縣橋廠招民開採。徵水銀三百三十三斤。○七年題准。貴州省開州斗甫婺川普安四廠。連閏徵收水銀。變價撥充本省兵餉。○九年覆准。貴州省黔西州屬新開黃土坎廠。徵水銀百斤。○三十八年覆准。貴州省開州斗甫三廠。山顏砂盡。改於修文縣紅白巖地方開採。辦課。○雍正元年覆准。貴州省普安縣濫水橋水銀廠。委修文普安二縣協同管理。其修文縣屬水銀廠。年久砂淡。額課銀六百五十餘兩。丁逃難辦。將普安縣報解水

銀價銀一百六十兩移解修文額課。○又覆准
貴州省板橋水銀額課八十兩七錢在濫水廠
徵收贏餘銀內抵補其板廠原額即行豁免。○
五年覆准貴州省濫水廠水銀稅羨銀自本年
五月起儘數報部充餉。○八年題准貴州省大
定府屬開採硃砂雄黃二廠均照例二八收課
○又題准廣西省恩城土州開採硃砂礦廠照
例收課。○又開採廣西省南甯府屬果化土州
雄黃。○十一年封閉貴州省濫水廠並豁免改
歸該廠抵補修文等縣水銀額課。○十三年開

採貴州省普安縣屬迴龍灣水銀廠。○乾隆二
年。封閉廣西省恩城土州硃砂礦廠。○五年。封
閉廣西省南甯府屬果化土州雄黃礦廠。○七
年。題准貴州省修文縣紅白二巖出產水銀。每
百斤抽課三十斤。餘聽廠民自賣。○八年。開採
貴州省興義府屬冊亨州同管轄之坡坳板楷
二處硃砂雄黃。每百斤抽課二十斤。照時價變
賣充公。餘聽廠民自售。以資工本。○十二年。覆
准廣西省鎮安府屬天寶縣孟村淶。因礦廠被
水。難以煎熬。移於天寶縣屬之那岐山開採。○

二十二年開採貴州省安化婺川二縣打巖溝
巖峯腳等處水銀硃砂水銀照例三七抽課硃
砂二八抽課內每硃砂一斤雙紋銀四錢餘聽
鑛戶自賣以作工本○三十二年開採湖南省
永順保靖龍山桑植石門慈利永定等七縣硝
崗○三十六年開採貴州省八寨廳屬羊伍加
河三廠水銀照例抽課○又開採廣西省天寶
縣屬黃泥坡雄黃○三十八年戶部具奏黔省
普安縣之迴龍灣修文縣之紅白二巖安化婺
川二縣打巖溝巖峯腳各廠抽課稅銀一摺奉

旨。此項水銀。從前每百斤。自三十六兩。漸加至五十四兩。後復遞減。至三十九兩。是前後售價長落。本無一定。而今年漢口及蘇州時價。僅止三十一二兩。經各該督撫確查。自不至尚有虛做。若以所定四十兩之價而計。每百斤較時價短至八兩。非累及商人。即官為賠補。名為酌中。而實乖平允。著交該部另議具奏。欽此。遵。

旨議定。嗣後折收課價。總以漢口市價為準。令貴州巡撫查漢口時價。照數折收。加結造報。仍令湖北巡撫。按季將漢口時價。據實報部。以便稽覈。

僅有不肖官商短報價值串通漁利等弊即行
據實嚴叅。○四十年封閉廣西省天寶縣屬黃
泥坡雄黃礦。○四十一年停採湖南省永順保
靖龍山桑植石門慈利永定等縣硝崗。○四十
四年封閉貴州省婺川縣屬打炭溝廠。○嘉慶
七年奏准貴州省迴龍灣水銀廠向隸普安縣
屬。○歷委貞豐縣經管抽課。但該縣並無管轄地
方之責。呼應不靈。嗣後改歸興義府知府管理
查收稅課。